

El maga Subanen de Bayog Ya Hace Espasyo Para Cultura y Comunidad

Usando el parte de sus royalty, el maga Subanen ta construí maga proyecto para el comunidad, ta preserva su cultura y tradiciones, y ta prepara un mas buen futuro para con el maga siguiente generación.



Si Timuay Manda (na izquierda) ta explica con el maga representante del Community Relations de TVIRD (na derecha) el Bayog Subanen United (BSU) Long-Term Development Plan. Este plano ta representa el sueño y visión del comunidad Subanen para un desarrollo sostenible, buen gobernansa, y preservación de su cultura y tradición para con las futuras generaciones.

Bayog, Zamboanga del Sur / Julio 2026 - Encima de un mesa adentro del Tribal Hall, tiene un pequeño maqueta que ta cuenta un historia mas grande. Maga chiquito camino ta conecta con maga futuro instalaciones del comunidad. Maga proyecto para sustento de vida ta para junto con maga espacio cultural. Cada detalle ta refleja años de conversación y consulta sobre cosa quiere el pueblo Subanen para su futuro, no solamente para con ellos, sino para también con las próximas generaciones que va hereda de su tierra ancestral.

Na entero Bayog, ese visión poco a poco ya empieza vuelve realidad. A través del participación de regalías para los Pueblos Indígenas (IP) y del continuo colaboración con el Balabag Gold and Silver Project de TVI Resource Development Philippines Inc. (TVIRD), el comunidad ya invierte na infraestructura, instituciones comunitarias y programas de desarrollo a largo plazo que busca fortalece el identidad cultural y crea mas oportunidad económico.

Fortaleciendo el Autogobierno Indígena

El desarrollo ta principia na maga lugar donde el comunidad puede reuni, conversa y toma decisiones para con su gente.

Para con el pueblo Subanen de Bayog, el Bawang Manda y Bawang Edal Tribal Halls y Ancestral Domain Management Offices (ADMOs) ya queda mas simple centro de liderato. Este ya convierte na lugar donde ta administra el tierra ancestral, ta conserva el cultura y tradiciones, y donde el maga decisión del comunidad ta forma a base na sabiduría indígena y responsabilidad compartido.

Ese inversión no termina solamente na gobernanza. A través de maga programa para sustento de vida y fortalecimiento de capacidades bajo del Social Development and Management Program (SDMP) de TVIRD, maga familia Subanen ya aprende nuevo habilidades na procesamiento de alimentos. Incluye este el producción de mani tostao, chicken pastil, y otro maga producto como extractos y preparaciones a base de plantas.

Cada capacitación normalmente ta gradua cerca de 25 participantes, dale con ellos habilidades práctico que puede ayuda aumenta el ingreso del familia y fomenta pequeño negocio na comunidad. Mientras tanto, maga agricultor de goma ya recibe también entrenamiento especializado para mejora mas su productividad y sustento de vida.

Junto-junto, este maga iniciativa ta demuestra cómo el regalías del IP ta transforma na instituciones duradero, mas fuerte medios de vida, y un futuro que el mismo comunidad ta ayuda construí.

Planeando Para El Futuro

Na corazón del aspiraciones del comunidad está el Bayog Subanen United (BSU) Long-Term Development Plan, un plano de desarrollo liderao mismo por el comunidad y formao através de años de consultas y diálogo. Este plan ya reuni el voces de ancianos, líderes y familias para defini qué clase de progreso quiere ellos para con su pueblo.

Representao por un detallao maqueta, el plan ta presenta maga infraestructura propuesto, programas sostenibles para sustento de vida y espacios culturales que quiere fortalece el comunidad para las próximas generaciones. Mas que un instrumento de planificación, este ta simboliza el compromiso del Subanen para con su futuro.

Un Asociación Fundao Na Confianza

Detrás de todo este maga esfuerzo hay un asociación construío através de diálogo constante, confianza mutua y estrecha colaboración entre TVIRD y el comunidad Subanen.

Un reciente Community Impact Survey ya revela que 88 porciento del maga encuestado tiene confianza con el compañía. El objetivo ahora es aumenta este número hasta 92 porciento para 2026.

Entre las principales razones menciona por los participantes hay oportunidades de empleo y negocio, confianza na programas de rehabilitación ambiental de TVIRD, y el continua colaboración con maga comunidades indígenas.

El encuesta también ya resalta el importancia del desarrollo culturalmente sensible. A través de sus iniciativas SDMP, TVIRD ta asegura que sus programa ta respeta el cultura local mientras ta ayuda preserva tradiciones y apoya prioridades del comunidad para largo tiempo.

Mirando Hacia Adelante

A primera vista, el maqueta adentro del Tribal Hall parece solamente un representación de caminos, edificios y espacios comunitarios. Pero para con el pueblo Subanen, este ta representa algo mucho mas grande.

Este es un visión convertió na miniatura — un reflejo de un pueblo que ta mira mas allá del presente y ta pone su esperanza na futuro.

No solamente ta invierte sila na infraestructura, sino también na identidad, cultura y na próximas generaciones que un día va hereda de su tierras ancestrales.

Guiados por la sabiduría de sus antepasados y por un sentido compartido de propósito, el pueblo Subanen ta continua moldea su propio futuro — un futuro firmemente enraizado na su cultura, na su tierra y na su derecho de defini qué significá el verdadero progreso para con su pueblo.

Press Photos



- 1** *El Bayog Subanen United (BSU) Long-Term Development Plan Miniature ta sirvi como un mapa del futuro crea mismo para na comunidad, donde ta puede mira el maga infraestructura propuesto, programas para sustento de vida, y maga espacios culturales que ya sale después de años de consultas y diálogo con el pueblo.*



- 2** *El Tribal Hall ta sirvi como el corazón del comunidad Subanen na Bayog — un lugar donde el maga anciano ta reuni para comparti su sabiduría, preserva sus tradiciones, y guia el maga decisión que va forma el futuro del generaciones.*



- 3 El Ancestral Domain Management Office (ADMO) Building y el Bawang Manda Tribal Hall (na izquierda y derecha) ta sirvi como centro del comunidad Subanen na Upper Bayog.



- 4 El maga tradicional artesanía Subanen, beadwork (trabajo con cuentas), y maga tejido artesanal ta refleja generaciones de habilidad y talento indígena. Este maga creación ta ayuda preservar el identidad cultural del pueblo mientras ta crea también oportunidad para transmite el conocimiento ancestral con las futuras generaciones.

About TVI in the Philippines

TVI Resource Development Philippines Inc. ("TVIRD") is owned in part by TVI Pacific Inc. (TSX: TVI), a publicly-listed Canadian mining company focused on the exploration, development, and production of precious and base metals from district-scale, large-system, high-margin projects located in the Philippines. Concurrent ownership of ventures is shared with partner company Prime Resource Holdings Inc.

The Agata Nickel Laterite Mine is the third successful mining project that TVIRD brought on stream in a period of 10 years, while its Balabag Gold-Silver Mine further cements its position as a steady producer of precious metals in the country. With the commercial operations of its Siana Gold Mine, the company remains committed to exploration and mining practices that promote transparency, responsible stewardship of the environment, and the inalienable rights to life, dignity and sustainable development of its host communities. (10 pts single spacing)

www.tvird.com.ph

Contacts:

KAYCEE CRISOSTOMO

Corporate Communications Director
TVI Resource Development Phils., Inc.

BRANDON LOPEZ

Corporate Communications Officer
TVI Resource Development Phils., Inc

Email: kaycee.crisostomo@tvird.com.ph

Phone: +63 2 8728-8491

Mobile: +63 917 579-1528

Fax: +63 2 8728-8515

Email: Brandon.Lopez@greenstoneresources.com.ph

Phone: +63 2 8728-8491

Mobile: +63 946 068-4772

Fax: +63 2 8728-8515